

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



NACRT

Broj: 02-05-232/19-AP-2
Datum: 08.02.2019. godine

**LOKALNI AKCIONI PLAN
ZA RE/INTEGRACIJU BH DRŽAVLJANA KOJI SE VRAĆAJU PO
OSNOVU SPORAZUMA O READMISIJI NA PODRUČJU
OPĆINE ZAVIDOVIĆI ZA PERIOD 2019.-2022. GODINA**

SADRŽAJ:

| | |
|--|----|
| 1. UVOD..... | 4 |
| Riječ Općinskog načelnika | 4 |
| 2. READMISIJA I OBAVEZE KOJE PROISTIČU IZ SPORAZUMA O READMISIJI | 5 |
| 3. POJAM, LOKALNI AKCIONI PLAN ZA RE/INTEGRACIJU BOSANSKOHERCEGOVAČKIH DRŽAVLJANA KOJI SE VRAĆAJU PO OSNOVU SPORAZUMA O READMISIJI | 5 |
| 4. RJEŠENJE O IMENOVANJU LOKALNOG READMISIONOG TIMA (LRT) | 6 |
| 5. OPŠTI PODACI O LOKALNOJ ZAJEDNICI | 7 |
| 5.1. Stanovništvo | 7 |
| 5.2. Etnička pripadnost..... | 8 |
| 5.3. Zapošljavanje | 8 |
| 5.4. Nezaposlenost | 9 |
| 5.5. Privreda..... | 9 |
| 5.6. Poljoprivreda..... | 9 |
| 5.7. Zdravstvena zaštita..... | 9 |
| 5.8. Socijalna zaštita | 10 |
| 5.8.1. Centar za socijalni rad | 10 |
| 6. PODACI O POVRATNICIMA PO OSNOVU SPORAZUMA O READMISIJI NA PODRUČJU OPĆINE ZAVIDOVIĆI..... | 13 |
| 6.1. Analiza situacije i sporna pitanja | 11 |
| 6.1.1. Zaključci i analiza situacije..... | 13 |
| 6.2. Analiza stanja..... | 13 |
| 6.2.1. SWOT analiza | 15 |
| 6.3. Analiza problema..... | 15 |
| 6.3.1. Identifikacioni dokumenti..... | 14 |
| 6.3.2. Stambeno zbrinjavanje | 14 |
| 6.3.3. Siromaštvo | 14 |
| 6.3.4. Zdravstvena zaštita i obrazovanje | 14 |
| 6.4. Nacionalne manjine..... | 14 |
| 6.5. Ključni akteri u implementaciji sporazuma o readmisiji nakon povratka u BiH..... | 14 |
| 6.5.1. Krajnji korisnici | 15 |
| 6.5.2. Ključni partneri na lokalnom nivou..... | 15 |

| | |
|--|----|
| 7. PRIORITETNA GRUPA KORISNIKA..... | 15 |
| 7.1. Kriteriji za odabir prioritenih grupa korisnika | 15 |
| 8. CILJEVI..... | 15 |
| 8.1. Opšti cilj | 15 |
| 8.2. Specifični ciljevi | 15 |
| 9. AKTIVNOSTI..... | 17 |
| 9.1. Aktivnosti i zadaci za realizaciju LAP-a | 17 |
| 10. BUDŽET..... | 19 |
| 10.1. Resursi | 19 |
| 10.2. Budžet..... | 19 |
| 11. IMPLEMENTACIJA LAP..... | 19 |
| 12. PRAĆENJE I PROCJENA | 20 |
| 12.1. Cilj praćenja, vremenski okvir, predmet praćenja i procjene, ključni indikatori, metode i tehnike praćenja i procjene..... | 20 |
| 12.2. Ocjena uspješnosti..... | 20 |

1. UVOD

Riječ Općinskog načelnika

Općina Zavidovići je još u januaru 2014. godine iskazala spremnost i interes za sudjelovanje u projektu „Integriranog programa podrške za re/integraciju povratnika po osnovu sporazuma o readmisiji“, a u skladu sa upitom Ministarstva za ljudska prava i izbjeglice Bosne i Hercegovine (MLJPIBiH), Sektor za izbjeglice, raseljene osobe, readmisiju i stambenu politiku, iz decembra 2013. godine, te potvrđene opredjeljenosti za isti projekat iz marta 2016. godine i u skladu s tim održanog okruglog stola u Konjicu 24.-26.03.2016. godine u organizaciji Ministarstva za ljudska prava i izbjeglice Bosne i Hercegovine (MLJPI BiH), uz usvajanje zaključaka sa istog.

Konačno, u oktobru 2017. godine Općina Zavidovići je među 5 (pet) lokalnih zajednica u Federaciji BiH uz gradove Zanicu i Mostar i općine Živinice i Bugojno, te još 5 gradova / općina iz RS-a (Bijeljina, Prijedor, Doboj, Zvornik i Modriča), pristupila kroz projekat „Integrirani program podrške za re/integraciju povratnika po osnovu sporazuma o readmisiji – faza 3“, među 10 (deset) novouključenih lokalnih zajednica pored 11 lokalnih zajednica od ranije uključenih u ovaj projekat. Cjelokupni projekat je u nadležnosti Ministarstva za ljudska prava i izbjeglice BiH, a provodi se u saradnji CRS-om (međunarodni konsultant projekta) uz podršku Švicarske ambasade u BiH. Realizacija projekta predviđena je u junu 2019. godine.

Mi kao Općina ćemo usvajanjem ovog Lokalnog akcionog plana (LAP) i zvanično pristupiti sve ukupnom postupku za re/integraciju bh državljana koji se vraćaju po osnovu sporazuma o readmisiji na područje Općine Zavidovići.

Readmisija je postupak vraćanja i prihvatanja osoba koje ne ispunjavaju uslove za boravak na teritoriji druge države. Naša zemlja je potpisivanjem Sporazuma o stabilizaciji i Mape puta za liberalizaciju viznog režima preuzela međunarodnu obavezu prihvata svojih državljana koji se vraćaju po osnovu sporazuma o readmisiji.

Tokom dvije prethodne faze, u periodu 2011/2016., uspostavljen je sistem prihvata osoba koje se vraćaju po sporazumu o readmisiji na državnom nivou, kao i funkcionalan sistem prihvata i re/integracije na entitetskom i lokalnom nivou.

Ovom trećom fazom projekta planiran je rad na dodatnom poboljšanju kapaciteta države u upravljanju procesom readmisije i socio-ekonomske integracije readmisiranih osoba. S tim u vezi, pored 11 lokalnih zajednica iz prethodnih faza, osposobljava se i institucionalni okvir i finansijski podržava još 10 lokalnih zajednica među kojima je i naša lokalna zajednica.

Kao potvrda istinske opredjeljenosti za podršku ovom projektu jeste i zaseban transfer u Budžetu općine Zavidovići u prethodnoj i tekućoj 2019. godini u iznosu 5.000,00KM, a jesu planirana sredstva za potrebe u ove svrhe uz svakako raspoloživa sredstva planirana od državnog Ministarstva za ljudska prava i izbjeglice Bosne i Hercegovine (MLJPIBiH) predviđena za lokalne zajednice uključene u projekat.

Iskreno se nadam da će ovaj Lokalni akcioni plan prevashodno biti od koristi osobama, koje se u postupku readmisije vrte u općinu Zavidovići, a općina Zavidovići ispunjavajući svoje obaveze iz svoje nadležnosti u okviru re/integracije povratnika indirektno i u konačnici ispunjavati preuzete obaveze iz Sporazuma o stabilizaciji i Mape puta za liberalizaciju viznog režima, a na opštu dobrobit svih državljana Bosne i Hercegovine.

2. READMISIJA I OBAVEZE KOJE PROISTIČU IZ SPORAZUMA O READMISIJI

Imajući u vidu međunarodno prihvaćene obaveze Bosne i Hercegovine o prihvatu i re/integraciji osoba koje se vraćaju po osnovu sporazuma o readmisiji¹, te Strategiju za prihvata i re/integraciju bh državljana po istom osnovu koja uključuje tok koordinacije institucija i organizacija u Republici Srpskoj i Federaciji Bosne i Hercegovine u sistemu prihvata i re/integracije, lokalna uprava je vrlo značajna karika u kompaktnom sistemu podrške ovim osobama.

Međunarodno prihvaćene obaveze proističu iz Sporazuma o stabilizaciji i pridruživanju, gdje je jasno rečeno da će Bosna i Hercegovina uspostaviti efikasan sistem koji će upravljati migracijama stanovništva. Druga obaveza je proistekla iz Mape puta za liberalizaciju viznog režima, gdje je kazano da će Bosna i Hercegovina uspostaviti efikasan sistem prihvata bh državljana čiji boravak u drugim zemljama postane nezakonit po bilo kojem osnovu. Na osnovu prihvaćenih obaveza građani Bosne i Hercegovine su dobili bezvizni režim sa zemljama Šengena, pod uslovom da svakih šest mjeseci postoji monitoring Evropske Komisije koja bi procijenila koliko Bosna i Hercegovina ispunjava svoje obaveze. Da bi se u potpunosti implementirale međunarodne obaveze, uspostavljen je funkcionalan sistem prihvata i re/integracije bh državljana koji se vraćaju u Bosnu i Hercegovinu po osnovu sporazuma o readmisiji. Kako se ne bi zadiralo u izvorne nadležnosti entiteta za pitanje prava povratnika po osnovu sporazuma o readmisiji, uspostavljen je princip koordinacije svih uključenih institucija i organizacija. Ministarstvo za ljudska prava i izbjeglice BiH je koordinirajući organ između institucija na horizontalnoj i vertikalnoj ravni, pri čemu se koordinacija na horizontalnoj ravni uspostavlja između uključenih institucija na državnom nivou (Ministarstvo sigurnosti BiH, Granična policija BiH, Ministarstvo vanjskih poslova BiH, Ministarstvo civilnih poslova BiH itd.), dok se koordinirajuća uloga na vertikalnoj osnovi ostvaruje sa nadležnim odjeljenjem Brčko distrikta BiH, te entitetskim ministarstvima nadležnim za pitanja izbjeglica i raseljenih osoba.

U Republici Srpskoj koordinirajući organ za prihvata i re/integraciju osoba iz procesa readmisije je Ministarstvo za izbjeglice i raseljena lica Republike Srpske.

U Federaciji Bosne i Hercegovine koordinirajući organ za prihvata i re/integraciju osoba iz procesa readmisije na području Federacije je Federalno ministarstvo raseljenih osoba i izbjeglica. Rješenjem broj: 02-36-3648/17 od 13.11.2017. godine Općinski načelnik je imenovao Lokalni readmisioni tim koji će kroz angažovanje svih relevantnih aktera u lokalnoj zajednici, stvarati mogućnosti za aktivno i koordinirano praćenje lica iz readmisije, te rješavati probleme u skladu s pozitivnim propisima kroz realizaciju postavljenih ciljeva. Opšti cilj postavljen kroz ovaj Lokalni akcioni plan jeste pružanje jednakih mogućnosti i prava svim građanima koji žive na teritoriji naše lokalne zajednice.

3. POJAM - LOKALNI AKCIONI PLAN ZA RE/INTEGRACIJU BOSANSKOHERCEGOVAČKIH DRŽAVLJANA KOJI SE VRAĆAJU PO OSNOVU SPORAZUMA O READMISIJI

Proces lokalnog akcionog planiranja zasnovan je na identifikovanju najboljeg načina angažovanja kapaciteta svih socijalnih aktera u lokalnoj zajednici. Lokalni akcioni plan (LAP) korespondira sa implementacijom Strategije da prihvata integraciju bosanskohercegovačkih državljana koji se vraćaju u Bosnu i Hercegovinu po osnovu sporazuma o readmisiji.

Ovaj Lokalni akcioni plan (LAP) može se smatrati i mehanizmom za smanjenje siromaštva i socijalne isključenosti osoba iz procesa readmisije, što je prema svim pokazateljima glavni uzrok nelegalnih migracija.

¹Readmisija je postupak vraćanja i prihvatanja lica koja ne ispunjavaju uslove za ulazak ili boravak na teritoriji druge države.

Primjena i realizacija ovog Lokalni akcioni plan (LAP) predviđa različite resurse. Podrška u identifikaciji i implementaciji mjera potrebnih za re/integraciju od krucijalne je važnosti za održivu re/integraciju. Lokalna uprava planirala je transferom u budžetu učešće u finansiranju potreba u iznosu od 5.000,00 KM na godišnjem nivou, čime izražavamo opredjeljenost da stvorimo ambijent u kojem će se osobe iz procesa readmisije osjećati prihvaćenim. Ministarstvo za ljudska prava i izbjeglice BiH i druga nadležna ministarstva planiranjem sredstava za ove potrebe učestvuju u finansiranju potreba ovih osoba. Fokus će biti stavljen i na međunarodnu zajednicu kako bi se obezbijedila finansijska potpora za održiva rješenja re/integracije.

4. RJEŠENJE O IMENOVANJU LOKALNOG READMISIONOG TIMA (LRT)

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK



Broj: 02-56-3648/17
Dan: 19.11.2017.

Na osnovu člana 39. Statuta Općine Zavidovići ("Službeni glasnik općine Zavidovići", broj: 5/08 i 5a/08), a u skladu sa projektom Ministarstva za ljudska prava i izbjeglice Bosne i Hercegovine "Integrirani program podrške za reintegraciju povratnika po osnovu sporazuma o readmisiji"- faza 3, Općinski načelnik Zavidovići donosi :

RJEŠENJE

o imenovanju Lokalnog readmisionog tima

I

Za predstavnike Lokalnog readmisionog tima ispred Općine Zavidovići, u okviru projekta "Integrirani program podrške za reintegraciju povratnika po osnovu sporazuma o readmisiji"- faza 3, imenuju se :

1. Midhat Bajramović - Općina Zavidovići, šef tima
2. Asima Merdanović - Općina Zavidovići, zamjenik šefa tima
3. Haris Mehanović - MUP ZDK, P.S. Zavidovići, član
4. Amir Sačić - JU "Centar za socijalni rad", Zavidovići, član
5. Hakija Bošnjaković - JU "Dom zdravlja" Zavidovići, član
6. Fadila Prijić - JU "Služba za zapošljavanje ZDK", Biro Zavidovići, član.

II

Zadac članova Lokalnog readmisionog tima je da prikupi potrebne podatke i provede sve aktivnosti značajne za implementaciju projekta "Integrirani program podrške za reintegraciju povratnika po osnovu sporazuma o readmisiji"- faza 3, koji se provodi u saradnji sa Ministarstvom za ljudska prava i izbjeglice Bosne i Hercegovine.

III

Članovi tima se imenuju na neodređeno vrijeme i dužni su o svim bitnim aktivnostima vezanim za navedeni projekat blagovremeno izvještavati Općinskog načelnika.

IV

Rješenje stupa na snagu danom donošenja i objavit će se u Službenom glasniku Općine Zavidovići.

Dostavljeno:

1. Imenovanim,
2. Ministarstvu za ljudska prava i izbjeglice BiH,
3. U spis.



OPĆINSKI NAČELNIK
mr. sci. Hasim Mujanović

Općina Zavidovići, Ul. Safvet bega 1, 72220 Zavidovići
tel: 032-878-314 centrala, fax: 032-868-230, www.zavidovici.ba, op@zavidovici.ba

5. OPŠTI PODACI O LOKALNOJ ZAJEDNICI

5.1. GEOGRAFIJA I TOPOGRAFIJA

| Opština / Općina | km ² |
|------------------|-----------------|
| ZAVIDOVIĆI | 521 |

Teritorij općine Zavidovići nalazi se u središnjem dijelu Bosne. Sastavljena je od četiri manje prirodne cjeline (mikroregije) koje zajedno predstavljaju jednu geografsku i ekonomsku cjelinu sa 21 mjesnom zajednicom.

Administrativno, Općina pripada Zeničko-dobojskom kantonu i zahvata značajan dio istočnog dijela ovog kantona na granici prema Tuzlanskom i Sarajevskom kantonu.

Posebne razvojne mogućnosti koje proističu iz geografskog položaja

Razvojne mogućnosti koje proističu iz geografskog položaja i prirodnih osobina Općine su: uzgoj i eksploatacija šume, korištenje hidropotencijala, eksploatacija riječnog šljunka, proizvodnja zdrave hrane, skupljanje ljekovitog bilja i šumskih plodova, proizvodnja građevinskih materijala.

Općina također obiluje i idealnim terenima (Kamenica, Mitrovići i Maoča) za razvoj eko i avanturističkog turizma (planinarstvo, alpinizam, speleologija, mountain bike, izletništvo, kampiranje pored rijeke, rafting...), a bogatstvo šumama i vodama dodatno pruža mogućnost ravoja lovnog i ribolovnog turizma.

Na osnovu navedenog, može se zaključiti da geostrateški i geografski položaj predstavlja odgovarajuću razvojnu šansu Općine.

5.1. Stanovništvo

Prema podacima iz popisa, ukupan broj stanovnika iznosi 35.988.

Od ukupnog broja stanovnika u urbanom dijelu Općine živi 13.610 ili 37,8 % dok u ruralnim dijelovima Općine živi 22.378 stanovnika ili 62,2 %.

U tabeli koja slijedi prikazan je pregled podataka o broju stanovnika u usporedbi sa podacima popisa iz 1991., pa do 2014. godine. Prateći osjetno opadajući trend prirodnog priraštaja logično je zaključiti da je starosna struktura stanovništva ozbiljno narušena. Na neizbalansiran razmak između starosnih grupa utiču tri vrlo bitna faktora:

- niska stopa nataliteta (nizak prirodni priraštaj),
- mlada populacija napušta zemlju,
- povratak starije populacije.

| GODINA | STANOVNIŠTVO (OPĆINA ZAVIDOVIĆI) |
|--------|-------------------------------------|
| 1991. | 57.164 |
| 2009. | 38.027 |
| 2010. | 37.983 |
| 2011. | 37.967 |

| GODINA | STANOVNIŠTVO (OPĆINA ZAVIDOVIĆI) |
|---------------|---|
| 2012. | 37.890 |
| 2013. | 37.770 |
| 2014. | 37.614 |

Izvor: Federalni zavod za statistiku, Zeničko-dobojski kanton u brojkama

Prema zvaničnim rezultatima popisa stanovništva iz 2013. godine u Zavidovićima živi 35.988 stanovnika, što čini 9.88% ukupnog broja stanovnika u Zeničko-dobojskom kantonu.

| | |
|-------------------|---------|
| ZAVIDOVIĆI | 35.988 |
| ZDK | 364.433 |

5.2. Etnička pripadnost

Od ukupnog broja 35.988 stanovnika na području općine Zavidovići, 32.735 stanovnika su Bošnjaci, 1294 Hrvati, 573 Srbi, dok se 162 ne izjašnjava, a 1278 stanovnika se vode kao ostali.

| Općina | Broj stanovnika | M | Ž | Bošnjaci | Hrvati | Srbi | Neizjašnjava se | Ostali |
|------------|-----------------|--------|--------|----------|--------|------|-----------------|--------|
| Zavidovići | 35.988 | 17.883 | 18.105 | 32.735 | 1294 | 573 | 162 | 1278 |

5.3. Zapošljavanje

Broj zaposlenih u 2016. godini

| UKUPNO | | STEPEN STR. OBRAZOVANJA | | | | | | NK |
|---------------|--------------|-------------------------|-----------|------------|----------|------------|-----------|------------|
| | | VSS | VŠS | SSS | VKV | KV | PK | |
| UKUPNO | 1.538 | 243 | 25 | 454 | 4 | 656 | 13 | 143 |

Broj zaposlenih u 2017. godini

| UKUPNO | | STEPEN STR. OBRAZOVANJA | | | | | | NK |
|---------------|-------------|-------------------------|-----------|------------|----------|------------|-----------|------------|
| | | VSS | VŠS | SSS | VKV | KV | PK | |
| UKUPNO | 2160 | 297 | 22 | 594 | 6 | 921 | 22 | 298 |

Zanimanja koja prevladavaju kod zaposlenja u ovom periodu su:

KV-zavarivač, bravar, konfeksionar tekstila, prodavač, zidar, vozač, limar i kuhar.

Zanimanja koja prevladavaju kod zaposlenja IV stepena su:

Medicinski tehničari, građevinski, mašinski, ekonomski, drvni i tekstilni tehničari.

5.4. Nezaposlenost

Broj registrovanih nezaposlenih osoba na Birou za zapošljavanje Zavidovići je u 2018. godini iznosio **6.822** od čega su žene **3.432** ili **50,3%**, a muškarci **3.390** ili **49,7%** ukupne nezaposlenosti.

Lica koja traže zaposlenje u 2018. godini

| UKUPNO | | STEPEN STR .OBRAZOVANJA | | | | | | NK |
|--------|-------|-------------------------|-----|-------|-----|-------|-----|-------|
| | | VSS | VŠS | SSS | VKV | KV | PK | |
| UKUPNO | 6822 | 290 | 17 | 1.712 | 17 | 2.661 | 145 | 1.980 |
| ŽENA | 3.432 | 171 | 8 | 1.000 | 3 | 1.102 | 48 | 1.100 |

Starosna i kvalifikaciona struktura nezaposlenih

Na Zavodu za zapošljavanje evidentirane su 6822 nezaposlene osobe, od čega su 3432 osobe ženskog pola. Prema evidenciji najveći broj lica 866 je u rasponu od 51-55 godina, a najmanje osoba je od 15-18 godina, njih 35.

Od ukupnog broja nezaposlenih najveći broj je kvalifikovanih (KV) radnika 2661, 1980 nekvalifikovanih (NK), sa srednjom stručnom spremom (SSS) 1712, a 17 lica je VKV. Evidentno je da se na listi Zavoda nalazi i 264 lica sa VSS 1 i 26 lica sa VSS 2 stručnom spremom.

5.5. Privreda

Najzastupljenije privredne grane u lokalnoj zajednici

- Građevinska djelatnost,
- Šumarstvo i obrada drveta,
- Tekstilna djelatnost,
- Sektor obrade i prerade metala.

5.6. Poljoprivreda

Najzastupljenije poljoprivredne kulture su:

Biljna proizvodnja (jagodičasto voće – maline) i krastavci – kornišoni, također od autohtonog voća značajnije su kulture jabuke i šljive.

U nekoliko prethodnih godina sve je zastupljenija biljna proizvodnja u zaštićenom prostoru (plastenička proizvodnja).

Animalna proizvodnja, uglavnom se odnosi na uzgoj krupne stoke: tov junadi i muznih krava.

Također, uz neznatan broj kooperanata, ali u prepoznatljivom širenju jeste uzgoj tovnih pilića uglavnom za vlastite potrebe, ali i određen broj kao kooperanti mesnih prerađivača.

5.7. Zdravstvena zaštita

Zdravstvena zaštita organizovana je posredstvom JU „Dom zdravlja“ Zavidovići kroz pružanje usluge primarne i dijelom specijalističko-konsultativne zdravstvene zaštite i djelatnosti javnog zdravstva na području općine Zavidovići, u skladu sa zakonskim okvirom koji reguliše ovu oblast i Ugovorom sa Zavodom zdravstvenog osiguranja ZDK.

Djelatnost JU „Dom zdravlja“ Zavidovići organizovana je i provodi se u objektima na sljedećim lokacijama: Centralnog objekta „Doma zdravlja“ Zavidovići, te područnim ambulantama (Dolina, Gaj, Gostović, Pašin Konak, Kovači, Mećevići, Vozuća, Krivaja, Rujnica, Maoča), a što govori u prilog činjenici da se vodilo računa da primarnom zdravstvenom zaštitom bude kvalitetno prostorno pokriveno cijelo područje općine Zavidovići.

Pravo na zdravstveno osiguranje kao redovni korisnici ostvaruju: zaposlene osobe, penzioneri, nezaposlene osobe prijavljene na evidenciji Zavoda za zapošljavanje i korisnici socijalne pomoći. Pobrojane kategorije korisnika zdravstvene zaštite najčešći su slučajevi korisnika. Međutim, također putem Službe za upravu društvenih djelatnosti i opću upravu Općine Zavidovići, a u skladu sa Uputstvom o načinu priznanja prava na zdravstveno osiguranje i ostvarivanje osnovne zdravstvene zaštite određenih kategorija lica koja nisu zdravstveno osigurana po drugom osnovu („Službene novine Ze-do kantona“, broj: 06/10) i Uputstvom o načinu priznavanja prava na zdravstveno osiguranje i ostvarivanje osnovne zdravstvene zaštite učenika i studenata koji nisu zdravstveno osigurani po drugom osnovu („Službene novine Ze-do kantona“, broj: 3/11) omogućeno je pravo na zdravstvenu zaštitu ostvaruju i sljedeće kategorije stanovništva: djeca predškolske dobi, nezaposlene samohrane majke - porodilje za vrijeme trudnoće, porođaja i do starosti djeteta do godinu dana i redovni učenici i redovni studenti do navršениh 26 godina života.

5.8. Socijalna zaštita

Socijalna davanja za pomoć svim socijalnim kategorijama preko JU „Centar za socijalni rad“ Zavidovići provode se u skladu sa Kantonalnim Zakonom o socijalnoj zaštiti, zaštiti civilnih žrtava rata i zaštiti porodica sa djecom. Prava iz socijalne zaštite u smislu ovog Zakona su:

- Novčana i druga materijalna pomoć,
- Osposobljavanje za život i rad,
- Smještaj u hraniteljsku porodicu,
- Smještaj u ustanovu socijalne zaštite,
- Usluge socijalnog i drugog stručnog rada,
- Kućna njega i pomoć u kući,
- Vršenje starateljstva i nadzor.

Centri za socijalni rad su prva adresa za ostvarivanje prava iz oblasti socijalne zaštite, što govori o njihovom značaju u području integracije readmisiranih osoba. Nažalost „Centra za socijalni rad“ Zavidovići nema dovoljno kapaciteta za značajnije uključivanje kada su u pitanju ove osobe, pa je neophodno uložiti dodatne napore na njihovom finansijskom, kadrovskom i materijalno-tehničkom jačanju.

5.8.1. Centar za socijalni rad

Broj korisnika Centra za socijalni rad po raznim osnovama za ostvarivanje prava na novčane naknade:

- Korisnici stalne novčane pomoći u 2018. godini ovaj oblik zaštite koristilo je 160 korisnika. U finansiranju ovog oblika zaštite sa 60% sredstava iz budžeta učestvuje kanton, a 40% sredstava su iz budžeta Općine. Visina pomoći kretala se od 123,25 KM do 135,50 KM mjesečno, zavisno od broja članova domaćinstva.
- Visina jednokratne novčane pomoći utvrđuje se u iznosu od 50,00 do 200,00 KM. Ove oblike zaštite iz budžeta Ze-do kantona u 2018. godini koristilo je 121 korisnika, a iz budžeta Općine ovu pomoć koristila su 122 korisnika.

- U 2018. godine u Centru je evidentirano 60 korisnika na ličnu invalidninu i 50 korisnika porodične invalidnine. Sredstva za finansiranje naknade obezbjeđuju se u budžetu Ze-do kantona i Federacije. Visina naknade za lične CŽR zavisi od stepena tjelesnog oštećenja, a visina naknade porodičnim žrtvama zavisi od prihoda i broja članova domaćinstva.
- Tokom 2018. godine pravo na zdravstvenu zaštitu koristilo je 594 osobe, ukupan broj lica koja su ostvarila pravo na ličnu invalidninu je 854, mjesečni iznos lične invalidnine za prvu grupu osoba sa invaliditetom 100% iznosi 109,76 KM, a za drugu grupu sa invaliditetom 90% visina novčane naknade iznosi 82,32 KM.
- Pravo na dodatak za njegu i pomoć od druge osobe - Ovo pravo mogu ostvariti osobe sa invaliditetom i osobe ometene u psihičkom i fizičkom razvoju, kojima je prijeko potrebna pomoć druge osobe, jer same ne mogu udovoljavati osnovnim životnim potrebama. Visina novčane naknade iznosi 137,20 KM do 274,40 KM zavisno od stepena invaliditeta – 90% ili 100% mjesečno. Ovo pravo u Centru ostvarilo je 600 osoba.
- Pravo na ortopedski dodatak - Ortopedski dodatak se određuje u mjesečnom novčanom iznosu 19,20 KM. Ovo pravo u Centru je ostvarila je 331 osoba.
- Centar jer proveo postupak za priznavanje prava na ograničenu finansijsku pomoć za dvije porodice – strani državljani koji su dobili izbjeglički status u BiH. Ograničena finasijska pomoć isplaćuje se u iznosu od 122,40 do 125,70 KM mjesečno.
- U 2018. godini Centru je podneseno 158 novih zahtjeva za ostvarivanje prava na dječiji dodatak, a ukupan broj korisnika prava na dječiji dodatak u toku 2018. godine je 1197, odnosno dječiji dodatak primalo je 2235 djece.
- Jednokratnu pomoć ženi - majci koja nije u radnom odnosu u 2018. godini primalo je 77 porodilja u iznosu od 150,00 KM. Pomoć za opremu novorođenog djeteta iznosila je 109,75 KM, a prehrana djeteta do 6 mjeseci iznosila je 73,00 KM.
- Naknadu umjesto plaće ženi - majci koja je u radnom odnosu u 2018. godini primilo je 124 porodilja. Visina naknade zavisi od prosječne plaće za period šest mjeseci prije stupanja na porodiljskog bolovanja. Ne može biti manja od 200,00 KM niti veća od prosječne plaće Kantona za prethodni mjesec.

6. PODACI O POVRATNICIMA PO OSNOVU SPORAZUMA O READMISIJI NA PODRUČJU OPĆINE ZAVIDOVIĆI

6.1. Analiza situacije i sporna pitanja

Prema evidenciji Ministarstva za ljudska prava i izbjeglice BiH, na područje općine Zavidovići vraćeno je 59 osoba po osnovu sporazuma o readmisiji u periodu od 2013. do 2017. godine. S obzirom da su dostavljeni podaci koji uključuju ime i prezime, datum i mjesto rođenja, te datum povratka u Bosnu i Hercegovinu, članovi Lokalnog readmisionog tima su uputili zahtjev Policijskoj upravi Zavidovići da uvidom u službenu evidenciju provjere da li ova lica imaju prijavljeno boravište ili prebivalište na području naše Općine.

Nakon dostavljenih podataka od strane Policijske uprave konstatovano je da 39 osoba ima prijavljenu adresu boravišta ili prebivališta na području općine Zavidovići.

Ovi podaci proslijeđeni su Centru za socijalni rad Zavidovići kako bi se utvrdilo da li je neko od ovih lica evidentiran kao korisnik u sistemu socijalne zaštite. Nakon provjere ustanovljeno je da je 20 osoba obuhvaćeno nekim oblikom socijalne zaštite u skladu sa zakonom i to kako slijedi:

- Šest lica ostvarilo pravo na jednokratnu novčanu pomoć u iznosu od 100,00 do 200,00 KM;
- Četiri lica ostvarila pravo kao nezaposlene porodilje u ukupnom iznosu od 703,00 KM, kao i privremeno zdravstveno osiguranje za vrijeme poroda;
- Deset lica ostvarilo pravo na dječiji dodatak u mjesečnom iznosu od 14,74 KM do 110,55 KM u zavisnosti od broja djece u domaćinstvu.

Podaci za readmisirane osobe, zatraženi su i od Zavoda za zapošljavanje, Biro rada Zavidovići, te dostavljeni sljedeći podaci:

- od ukupno 39 osoba, njih 20 je evidentirano na evidenciji Zavoda, a od kojih sedmero (7) ima i zdravstveno osiguranje.

Takođe, dodatnom provjerom u okviru Službe za upravu društvenih djelatnosti i opću upravu Općine Zavidovići utvrđeno je da jedna osoba – dijete predškolske dobi korisnik je zdravstvene zaštite posredstvom Općine Zavidovići.

Konačno, može se zaključiti da je značajan broj osoba riješen u dva bitna segmenta: zdravstvene i socijalne zaštite, terenska analiza pokazat će cjelovit uvid u socio-ekonomski položaj ovih osoba odnosno njihovih porodica.

U periodu do izrade Lokalnog akcionog plana članovi Lokalnog readmisionog tima izvršili su terensku verifikaciju 39 osoba. Terenska verifikacija urađena je na osnovu soci-ekonomskog upitnika koji se odnosi na cijelu porodicu. Terenskom verifikacijom stekla se slika o potrebama ovih osoba, što će u daljem periodu omogućiti njihovu lakšu integraciju u skladu s mogućnostima na nivou lokalne zajednice. Proces terenske verifikacije je stalni proces koji se odvija u skladu s vraćanjem ovih osoba u BiH.

Prema procjenama Ministarstva za ljudska prava i izbjeglice BiH, a na osnovu dosadašnjeg broja povratnika, u narednim godinama može se godišnje očekivati cca 10 do 20 osoba, koje će biti vraćene u BiH, a da im je prebivalište u našoj lokalnoj zajednici.

Analiza situacije obuhvatila je pregled dokumentacije relevantne za povratnike po osnovu sporazuma o readmisiji, analizu zainteresovanih strana, analizu stanja (SWOT) i analizu samog problema. Pregled dokumentacije obuhvatio je državnu strategiju za reintegraciju povratnika po osnovu sporazuma o readmisiji. Državna strategija definiše osnovne pravce djelovanja - uspostavljanje funkcionalnog, efikasnog i harmonizovanog prihvata bh državljana koji se vraćaju u BiH po osnovu sporazuma o readmisiji, kao i socijalnu i ekonomsku integraciju osoba iz procesa readmisije. Lokalni strateški dokumenti općine Zavidovići, ukazuju na zainteresovanost lokalne uprave za rješavanje pitanja osoba vraćenih po osnovu sporazuma o readmisiji.

Izazovi, kada su u pitanju ove osobe odnose se na njihovu nezaposlenost, siromaštvo, nedostatak identifikacionih dokumenata kod jednog broja lica, potreba za stambenim zbrinjavanjem, neadekvatan obrazovni nivo, što umnogome otežava njihovu integraciju u sredinu u koju dolaze. Lokalna uprava spremna je da odgovori na ove izazove, u skladu s mogućnostima vezanim za ljudske, materijalne i finansijske resurse.

6.1.1. Zaključci i analiza situacije

- Lokalna vlast je spremna zajedno sa ostalim ključnim akterima da radi na unapređenju položaja osoba iz procesa readmisije.
- Pokrenuti inicijativu za veća izdvajanja iz općinskog, nivoa kantona i Federacije BiH i državnog budžeta, kao i raditi na obezbjeđivanju donatorskih sredstava.
- Efikasnija saradnja lokalne samouprave i ključnih aktera značajnih za rješavanje pitanja osoba iz procesa readmisije. Povećati zapošljavanje prekvalifikacijom i dokvalifikacijom, kako bi se povećala mogućnost zapošljavanja na lokalnom nivou.
- U skladu s mogućnostima planirati obezbjeđenje stambenih jedinica za privremeno stambeno zbrinjavanje ovih osoba.

6.2. Analiza stanja

Analiza stanja u lokalnoj zajednici urađena je na osnovu sagledavanja situacije, pozitivnih kapaciteta (snaga) i slabosti lokalne zajednice, kao i mogućnosti i prepreka sa kojima se suočava lokalna zajednica.

6.2.1. SWOT analiza

| | SNAGE | SLABOSTI |
|------------|--|---|
| Unutrašnje | <ul style="list-style-type: none">• Ljudski resursi• Programi i poticaji zapošljavanja• Organizaciona struktura• Budžetska linija za soc. i zdravstvena davanja | <ul style="list-style-type: none">• Neiskustvo u oblasti readmisije• Nepostojanje smještajnih kapaciteta• Nepostojanje planskih dokumenata u oblasti readmisije• Nepostojanje jedinstvene evidencije |
| | MOGUĆNOSTI | PRIJETNJE |
| Vanjske | <ul style="list-style-type: none">• Postojanje organizacija koje se bave readmisijom• Posvećenost institucija u rješavanju ovih problema• Dostupnost finansijskih sredstava• Saradnja različitih nivoa vlasti• Obezbeđenje kratkoročnih smještajnih kapaciteta | <ul style="list-style-type: none">• Politička nestabilnost• Neusklađenost Zakonske regulative u BiH (socijalne i zdravstvene zaštite)• Bezvizni režim• Loša ekonomska situacija |

6.3. Analiza problema

Imajući u vidu da su osobe iz procesa readmisije različitog imovnog stanja i kvalifikacione strukture, samim tim su i različite potrebe za društvenom intervencijom.

Činjenica da se ovi ljudi vraćaju prinudnim putem, predstavlja rizik za kršenje ljudskih prava lica u postupku readmisije. Imajući sve ovo u idu posebnu pažnju treba posvetiti zaštiti socijalno-ugroženih grupa, kao što su: maloljetna lica, osobe sa invaliditetom, teški bolesnici, žrtve trgovine ljudima, članovi razdvojenih porodica, porodice sa maloljetnom djecom. Najčešći problem tokom procesa re/integracije su:

6.3.1. Identifikacioni dokumenti

Određeni neznatan broj osoba iz procesa readmisije ne posjeduje identifikacione dokumente, niti su upisane u knjigu državljana BiH (rođeni u inostranstvu, a državljani su BiH po porijeklu).

6.3.2. Stambeno zbrinjavanje

Za manji dio povratnika po osnovu sporazuma o readmisiji neophodno je, u skladu s mogućnostima lokalne zajednice obezbijediti privremeno stambeno zbrinjavanje, ukoliko pri povratku iz inostranstva zatraže intervenciju države odnosno da su izrazili potrebu za privremeni stambeni smještaja u prihvatnom centru Salakovac. Za takve osobe neophodno je izvršiti provjeru njihovog stambenog statusa i obezbijediti im pomoć za eventualni dodatni privremeni smještaj u trajanju do 6 (šest) mjeseci.

6.3.3. Siromaštvo

Veliki broj povratnika po osnovu sporazuma o readmisiji se nalazi u stanju socijalne potrebe. Također, visok stepen nezaposlenosti kod ove populacije dovodi i doprinosi siromaštvu. Zbog neadekvatne obrazovne strukture neprilagođene lokalnoj privredi i niskog stepena obrazovanja ova lica su teško zapošljiva kategorija i veoma teško se integrišu u lokalnu sredinu u koju dolaze.

6.3.4. Zdravstvena zaštita i obrazovanje

Obezbjeđene zdravstvene zaštite i uvođenje u sistem zdravstvene regulative predstavlja problem ovih osoba zbog nedefinisanog statusa ili nepostojanja neophodne dokumentacije.

Obrazovni sistem je uređen kao obavezni dio i sva djeca povratnika po sporazumu o readmisiji bit će uključena u obrazovni sistem. Međutim, problem se može pojaviti zbog nepostojanja dokaza o prethodnom školovanju ili jezičke barijere. Takođe, javlja se razlika između sistema države iz koje su došli i sistema obrazovanja u Bosni i Hercegovini.

6.4. Nacionalne manjine

Uvidom u podatke iz posljednjeg popisa stanovništva 2013. godine ("etnička pripadnost", rubrika "ostali") za općinu Zavidovići, podatak o broju ostalih je 1278 osoba. Prema tim podacima na području općine Zavidovići 411 osoba izjasnilo se kao "Rom" od toga 215 osoba muškog spola i 196 osoba ženskog spola.

Međutim, analizirajući općinski dokument koji je u formi nacarta, a tiče se Lokalnog akcionog plana za Rome, dolazimo do zaključka da su Romi ponajbrojnija nacionalna manjina u općini Zavidovići.

Naime, prema podacima koje smo dobili posredstvom dva udruženja, došlo se do podatka o evidentiranih 126 domaćinstava sa 659 članova. Od ovog broja njih 280 su maloljetne osobe. Ova populacija uglavnom je bez stalnih zaposlenja, uglavnom se bave sakupljanjem sekundarnih sirovina i preprodajom istih.

6.5. Ključni akteri u implementaciji sporazuma o readmisiji nakon povratka u BiH

Ključni akteri u ovom Lokalnom akcionom planu su: Ministarstvo za ljudska prava i izbjeglice BiH, Ministarstvo za izbjelice i raseljena lica Republike Srpske / Federalno ministarstvo raseljenih osoba i izbjeglica, kantonalni koordinatori u F BiH, lokalna zajednica.

6.5.1. Krajnji korisnici

Lokalnim akcionim planom kao krajnji korisnici definisane su osobe koje su vraćene po osnovu sporazuma o readmisiji.

6.5.2. Ključni partneri na lokalnom nivou

Ključni partneri u lokalnoj samoupravi su:

- Centar za socijalni rad,
- MUP ZE DO kantona, Policijska uprava – Odsjek za administraciju (CIPS),
- Dom zdravlja,
- Zavod zdravstvenog osiguranja (Poslovnica),
- Zavod za zapošljavanje (Biro rada),
- Obrazovne ustanove,
- Humanitarne organizacije (Merhamet, Crveni krst i drugi),
- Nevladinaudruženja / organizacije,
- Međunarodne organizacije.

7. PRIORITETNA GRUPA KORISNIKA

7.1. Kriteriji za odabir prioritenih grupa korisnika

Prioritetne grupe Lokalnog akcionog plana za re/integraciju osoba koje se vraćaju po osnovu sporazuma o readmisiji definisane su na osnovu sljedećih kriterija:

- Osobe sa invaliditetom i teškim zdravstvenim stanjem,
- Domaćinstva čiji su nosioci samohrani roditelji, staratelji ili hranitelji,
- Osobe koje žive bez podrške porodice a stariji su od 65 godina,
- Žene samohrane majke, žrtve nasilja, udovice,
- Maljolutnici u riziku,
- Maljolutnici bez roditeljskog staranja,
- Porodice sa posebnom pravnom i fizičkom zaštitom (porodice poginulih boraca i umrlih civilnih žrtava rata, porodice nestalih osoba, bivši zarobljenici, logoraši, žrtve zlostavljanja i nasilja u porodici).

8. CILJEVI

8.1. Opšti cilj

BH državljani koji se vraćaju u Bosnu i Hercegovinu po osnovu sporazuma o readmisiji imaju pristup pripadajućim pravima i pomoći u procesu socijalno-ekonomske re/integracije na lokalnom nivou.

8.2. Specifični ciljevi

✓ Specifični cilj 1

Podrška osobama koje su vraćene po osnovu sporazuma o readmisiji kako bi stekli pristup svim pripadajućim pravima. (*Socijalno-ekonomska podrška*)

✓ *Specifični cilj 2*

Obezbijedeno 5 stambenih jedinica ukoliko se ukaže potreba za privremeno stambeno zbrinjavanje osoba koje su vraćene po osnovu sporazuma o readmisiji u periodu 2019.-2022. godine.

(Privremeno stambeno zbrinjavanje, kroz plaćanje alternativnog smještaja)

✓ *Specifični cilj 3*

Identifikacija osoba iz procesa readmisije, na osnovu socijalno-ekonomskih kartona, koje mogu biti potpomognute u procesu samo/zapošljavanja. **(Prema identifikovanom socio-ekonomskom statusu, omogućiti u skladu s tim korištenje socijalno-statusnih prava ovih osoba)**

Ciljeve i broj korisnika bazirati na osnovu broja povratnika za period 2013-2017 godine.

9. AKTIVNOSTI

9.1. Aktivnosti i zadaci za realizaciju Lokalnog akcionog plana (LAP)

| Opšti cilj: „BH državljani koji se vraćaju u Bosnu i Hercegovinu po osnovu sporazuma o readmisiji imaju pristup pripadajućim pravima i pomoć u procesu socijalno-ekonomske re/integracije“ | | | | | | | | | | | | | | | | | | | | |
|---|--|--------------------------|-------------------------|--------------------|--|------|--|------|--|------|--|----------------------|--|--|--|---|--|--|--|------------|
| <i>Specifični cilj 1:</i> | | | | | <i>Pripadajuća prava readmisiranih osoba</i> | | | | | | | | | | | | | | | |
| R.br. | Aktivnost | Indikator | Nositelj aktivnosti | Rok za realizaciju | | | | | | | | Finansijska sredstva | | | | | | | | |
| | | | | 2019 | | 2020 | | 2021 | | 2022 | | | | | | | | | | |
| 1. | Pomoć pri dobijanju ličnih dokumenata | Broj readmisiranih osoba | Lokalni readmisioni tim | x | | | | x | | | | x | | | | x | | | | 500,00 KM |
| 2. | Pomoć pri ostvarivanju prava na zdravstvenu zaštitu, u skladu sa propisima | Broj readmisiranih osoba | Lokalni readmisioni tim | x | | | | x | | | | x | | | | x | | | | 1.500,00KM |
| 3. | Pomoć pri ostvarivanju prava na socijalnu zaštitu u skladu sa propisima | Broj readmisiranih osoba | Lokalni readmisioni tim | x | | | | x | | | | x | | | | x | | | | 3.000,00KM |

| Opšti cilj: „BH državljani koji se vraćaju u Bosnu i Hercegovinu po osnovu sporazuma o readmisiji imaju pristup pripadajućim pravima i pomoć u procesu socijalno-ekonomske re/integracije“ | | | | | | | | | | | | | | | | | | | |
|---|--|--------------------------|-------------------------|--------------------|--|---|--|------|--|------|--|----------------------|--|--|--|---|--|--|------------|
| <i>Specifični cilj 2:</i> | | | | | | <i>Privremeno stambeno-zbrinjavanje</i> | | | | | | | | | | | | | |
| R.br. | Aktivnost | Indikator | Nositelj aktivnosti | Rok za realizaciju | | | | | | | | Finansijska sredstva | | | | | | | |
| | | | | 2019 | | 2020 | | 2021 | | 2022 | | | | | | | | | |
| 1. | Stvaranje preduslova za obezbjeđenje do 2 stambene jedinice za privremeni smještaj | Broj readmisiranih osoba | Lokalni readmisioni tim | | | | | | | x | | | | | | x | | | |
| 2. | Subvencija privremenog zakupa stambenih jedinica | Broj readmisiranih osoba | Lokalni readmisioni tim | x | | | | | | x | | | | | | | | | 3.000,00KM |

| Opšti cilj: „BH državljani koji se vraćaju u Bosnu i Hercegovinu po osnovu sporazuma o readmisiji imaju pristup pripadajućim pravima i pomoć u procesu socijalno ekonomske re/integracije“ | | | | | | | | | | | | | | | | | | | |
|---|--|--------------------------|-------------------------|--------------------|--|------------------------------------|--|------|--|------|--|----------------------|--|--|--|--|--|--|------------|
| <i>Specifični cilj 3:</i> | | | | | | <i>Socijalno-ekonomska podrška</i> | | | | | | | | | | | | | |
| R.br. | Aktivnost | Indikator | Nositelj aktivnosti | Rok za realizaciju | | | | | | | | Finansijska sredstva | | | | | | | |
| | | | | 2019 | | 2020 | | 2021 | | 2022 | | | | | | | | | |
| 1. | Informisanje o programima prekvalifikacije i dokvalifikacije, samozapošljavanja i upošljavanja | Broj readmisiranih osoba | Lokalni readmisioni tim | x | | | | | | x | | | | | | | | | 2.000,00KM |
| 2. | Identifikacija privrednih subjekata (tekstilni i metalni sektor) | | | x | | | | | | x | | | | | | | | | |

10. BUDŽET

10.1. Resursi

Procijenjeno je da će za realizaciju Lokalnog akcionog plana re/integracije osoba po osnovu sporazuma o readmisiji u lokalnoj zajednici općine Zavidovići biti potrebni ljudski, materijalni, tehnički i finansijski resursi kako bi se poboljšao položaj ove populacije i ubrzao proces njihove integracije u ovu sredinu. Lokalna zajednica raspolaže ljudskim, materijalnim i tehničkim resursima. Finansijski resursi će biti dostupni od 2019. godine kroz budžet na lokalnom nivou, kao i kroz donatorska ulaganja.

10.2. Budžet

Za realizaciju Lokalnog akcionog plana re/integracije osoba po osnovu sporazuma o readmisiji u Općini Zavidovići bit će potrebno 10.000,00KM. Detaljan godišnji budžet biće urađen na osnovu razrađenih godišnjih planova za svaku godinu. Sredstva za realizaciju ovog Lokalnog akcionog plana obezbjeđivat će se iz različitih izvora:

- Budžeta Općine,
- Donatorskih sredstava koja će se obezbijediti putem projekata,
- Drugih dopustivih izvora.

11. IMPLEMENTACIJA LOKALNOG AKCIONOG PLANA (LAP)

Implementacija Lokalnog akcionog plana (LAP) obuhvata lokalne strukture i različite mjere i procedure koje će obezbijediti njegovo uspješno provođenje. Nakon usvajanja Lokalnog akcionog plana (LAP) od strane lokalne uprave, za njegovu primjenu i praćenje bit će zadužen Lokalni tim za readmisiju (LRT) koji je učestvovao u njegovoj izradi.

Lokalni tim za readmisiju (LRT) će u potpunosti odgovarati za vođenje cjelokupnog procesa primjene Lokalnog akcionog plana (LAP). Operativnu strukturu za primjenu ovog Lokalnog akcionog plana činit će institucije, organizacije i timovi koje će imati zadatke i odgovornost za realizaciju Lokalnog akcionog plana (LAP) i unapređenje procesa primjene istog. Detaljne godišnje izvještaje sačinjavat će Lokalni tim za readmisiju (LRT), a usvajat će ih Općinsko vijeće.

Implementacija Lokalnog akcionog plana obavljat će se kontinuirano u skladu sa aktivnostima koje su predviđene istim.

Mehanizmi praćenja, ocjenjivanja uspješnosti primjene Lokalnog akcionog plana (LAP) i donošenja eventualnih korektivnih mjera bit će definisani Planom praćenja i ocjenjivanja uspješnosti (planom monitoringa i evaluacije).

12. PRAĆENJE I PROCJENA

12.1. Cilj praćenja, vremenski okvir, predmet praćenja i procjene, ključni indikatori, metode i tehnike praćenja i procjene

Cilj praćenja i ocjena uspješnosti (monitoring i evaluacija) Lokalnog akcionog plana je da se sistematično prikupljaju podaci, prati i nadgleda proces primjene i procjenjuje uspjeh Lokalnog akcionog plana. Po potrebi će se preduzimati određene korektivne mjere ukoliko podaci i analize pokažu da treba mijenjati određene aktivnosti.

Vremenski okvir: Monitoring se sprovodi kontinuirano i dugoročno za period 2019.-2022. godina

Predmet praćenja i procjene uključuju cjelovito sagledavanje ispunjenje sagledavanje ispunjenja aktivnosti – zadataka i specifičnih ciljeva.

Ključni indikatori za praćenje i ocjenjivanje uspješnosti primjene Lokalnog akcionog plana su sljedeći:

- Struktura korisnika usluga i programa,
- Broj novih usluga,
- Mjere ekonomske integracije,
- Broj dodijeljenih novčanih pomoći,
- Broj lica koja su privremeno stambeno zbrinuta,
- Obim finansijskih sredstava izdvojenih za potrebe osoba iz procesa readmisije,
- Struktura finansijskih sredstava izdvojenih za potrebe osoba iz procesa readmisije.

Metode i tehnike praćenja i procjene: Za praćenje i ocjenu uspješnosti koristit će se standardni set alata: evidentiranje korisnika, intervjui sa korisnicima (upitnik, razgovori), ankete, izvještavanje i dr.

12.2. Ocjena uspješnosti

Lokalni tim za readmisiju (LRT) bit će odgovoran za praćenje i ocjenjivanje uspješnosti rada na primjeni Lokalnog akcionog plana.

PREDSJEDAVAJUĆI
OPĆINSKOG VIJEĆA
Redžo Seferović